

ҚАЗАҚСТАН РЕСПУБЛИКАСЫ
ПАРЛАМЕНТІ МӘЖІЛІСІНІҢ
Д Е П У Т А Т Ы



Д Е П У Т А Т
МАЖИЛИСА ПАРЛАМЕНТА
РЕСПУБЛИКИ КАЗАХСТАН

010000, Астана, Парламент Мәжілісі
20 __ ЖЫЛҒЫ «__» _____
№ _____

010000, Астана, Мажилис Парламента
«__» _____ 20 __ года

2024 жылғы 14 ақпанда жарияланды

Қазақстан Республикасы
Премьер-Министрдің
орынбасары–ұлттық
экономика министрі
Н. С. Байбазаровқа

Облыстар, Астана,
Алматы және Шымкент
қалаларының әкімдеріне

ДЕПУТАТТЫҚ САУАЛ

Мемлекет басшысының «Әділ Қазақстанның экономикалық бағыты» атты Қазақстан халқына Жолдауында бөлшек салығы режимін енгізу жөніндегі бастамасы кәсіпкерлер арасында жоғары сұранысты көрсетіп, оны қамту аясын екі есеге кеңейту қажеттілігін атап өткен болатын.

Кәсіпкерлерді қолдау бағытында болып жатқан жаңалықтардың бірі Салық кодексіндегі бөлшек салық мөлшерін 4% дан 2% пайызға дейін төмендету мүмкіндігі 2024 жылдың 31 наурыз айына дейін берілген. Сонымен қатар бөлшек салығын қолдану үшін рұқсат етілген қызмет түрлерін 190-нан 364-ке дейін кеңейтілді!

Сондықтан жергілікті мемлекеттік органдарға бөлшек салық мөлшерлемесін төмендету шешімін наурыз айының соңына дейін қабылдап үлгеруге шақырамын!

Осы шешім еліміздің барлық өңірлерінде қабылданса келесі артықшылықтар туындайды.

Біріншіден, еліміздегі 1,7 млн. астам жеке кәсіпкерге, 440 000 шағын бизнес, 2800 орта бизнес өкілдеріне және 50 000 астам дүкендерге қолайлы салық ортасы қалыптасады.

Екіншіден, көлеңкелі экономика деңгейі төмендейді. Мысалы, көлеңкелі экономикаға қарсы шаралардың нәтижесінде соңғы 3 жылда бюджетке қосымша 2 трлн. теңге түскенін білесіздер.

Үшіншіден, бүгінгі таңда салық мөлшерін төмендету туралы шешімді қабылдаған Астана қаласы, Қарағанды және Қызылорда облыстарында бұл режимді қолданатын кәсіпкерлер саны 2023 жылы 2151ден астам болса, 2024 жылдың басында жалпы саны 6260 қа жеткен.

Еліміздегі шағын және орта бизнестің жалпы ішкі өнімдегі үлесі 36%, ал дамыған елдерде 50-60% екендігін ескере отырып, осы мақсатқа жету үшін түбегейлі және батыл әрекеттер жасау қажет.

Осы орайда заңда көрсетілген мүмкіндікті пайдаланып, барлық өңірлерде 2024 жылдың 31 наурыз айына дейін бөлшек салық мөлшерін төмендету бойынша шешім қабылдауға шақырамын.

**Құрметпен,
Парламенті Мәжілісінің депутаттары,
«RESPUBLICA» партиясы
фракциясының мүшелері**

**Р. Берденов
О. Құспеков
Н. Тау
Д. Наумова**

Орынд. А. Кистаубаев
746215